

Análisis Internacional

50 año despues di II Guerra Mundial:

Página Special

PROTAGONISTANAN CU A SCIRBI E HISTORIA DI DOLOR Y GLORIA AKI

E año aki henter nos humanidad te recordá un hecho histórico tristo, yen di dolor, miseria y morto ora cu 50 año pasá —luna di Mei— Rusia a logra yega e parti norte di Berlín, despues di libra un bataya pisá contra e temible ehército Nazi. Esaki tabata nificá e derrumbe di imperio Nazi cu desde su subimiento na poder aña 1933, a iniciá for di 1939 te 1945 un campaña militar di expansion riba suela di Europa Central. Si, cinco década pasá, Alto Mando Nazi a ordená su ehército poderoso laga un banda nan arma p'asina firma día 9 di Mei 1945, un acta di rendicion na Berlín. Esaki tabata e promé gran paso pa caba cu un conflicto di seis aña cu nos humanidad nunca lo por lubidá: II Guerra Mundial.

E golpi final cu a determiná e culminacion di e guerra mundial aki tabata e rendicion incondicional di Emperador Haponés, Hirohito dia 31 di Augustus 1945 na Tokio. Kiko a sosodé pa Hirohito tuma e decision aki? Na cuminzamento di luna di Augustus 1945 —día 6 di Augustus— Merca a pone den práctica riba e ciudad Haponés di Hiroshima un arma mortal di potencia incalculabel, esta bom atómico. E descarga di e bom aki a originá un mortalidad masivo sin precedente: 140.000 persona a muri; un cantidad grandi di hende a keda afectá gravemente y mas cu 60% di e ciudad aki a keda carbonizá. Tres día despues —9 di Augustus 1945— Merca a lanza e di dos bom atómico riba e ciudad Haponés di Nagasaki, cu tambe a laga un saldo tristo di morto y desolacion manera esun promé. E rendicion di Hapón a caba cu II Guerra Mundial y a duna inicio na loke a wordo yamá "Guerra Frieuw"; despues cu esnan victoriosos di e guerra aki a distribuf entre nan e tesoro territorial. Despues di culminacion di II Guerra Mundial, tur expectativa di un mundo nobo mihó integrá a keda sepultá cu e rivalidad entre dos potencia: Rusia y Merca. Wel, esaki ta parti di otro capítulo di e mesun historia.

E cincuenta aña di culminacion di II Guerra Mundial, ta invitá nos pa reflexioná riba loke un conflicto armá ta trece cuné. Nos por mira ainda e consecucionan cu bom nuclear ta laga su tras cu muchanan deformá, cu cancer y otro hechonan lamentabel pa efecto di radiacion. Un reflexion ta bisa nos cu e guerra no ta e caminda mas civilizá pa nos por solucioná un problema. E angustia, miseria y morto cu II Guerra Mundial a laga no tin punto di referencia den nos historia. A wordo calculá cu 20 miyon soldat a muri den dje. E pérdida mas grandi tabata di tropanan Ruso, mas cu 8 miyon soldat a perde nan bida; Alemania a perde 3 miyon soldat den e guerra aki. Pero e cantidad mas grandi di morto a wordo registrá den campanan di concentracion Nazi, unda cantidad di Hudiw a perde nan bida como consecuencia di e ideología Nazi anti-semita y na pro di un raza puro: Super-Homber di raza Aria.

Na Belden solamente despues di fin di guerra a wordo hayá 18.000 cadaver di Hudiw sin dera. Mas cu 40 miyon hende a laga nan cas pa via di bombardeo aéreo contínuo y mas cu 13 miyon mucha a keda sin nan mayoman.

E consecuencia di guerra aki ta uno indescriptibel for di cualkier punto di bista. Aunke nos ta celebrá cincuenta aña di un hecho histórico glorioso, ora cu poderfo Nazi a cai derrotá dor di forzanan militar aliado; nos mester recapacitá riba e consecuencia di



Francisco Franco

José Stalin

JOSE STALIN

un guerra pa no ripití nunca e mesun historia. Un frase masha popular ta bisa: "Esun cu no conocé historia ta condená pa ripitié". Nos ta haci un breve reseña biográfico di personahenan histórico cu a protagonizá II Guerra Mundial.

PERSONAHENAN DI GUERRA

Algun personahenan mirá for di un perspectiva histórico lagando un banda e calificacion cu e memoria colectivo ta haci di nan, estigmatizando nan manera héroe of viyano, pero cu siguramente nan a logra di cambia pa semper e historia di henter humanidad. Entre e personahenan cu a determiná e desarroyo y desenlace di e II Guerra Mundial, na Europa y norte di Africa, cu a marca e rumbo di humanidad den segundo mitar di siglo XX; algun di esnan mas destacá tabata e siguiantenan:

El líder soviético aki a sali for di e guerra manera doño absoluto, no di un URSS ampliá so, pero tambe di un franja di pafsnan di Europa Centro-Oriental. Manera un Dios, despues di e victoria, e "Tata di Pueblonan" a convení na 1940 cu Hitler e reparticion di tera entre Alemania y URSS. Stalin a sigui su colaboracion cu Alemania Nazi, te dfa cu Hitler a lanza un invasion di URSS na Juni 1941. E "traicion" di su aliado a laga e "Homber di Acero" asina desorientá y asombrá cu durante e promé dianan di guerra e no por a sali for di su cas debí na un depresion profundo cu el a sufri.

Den e promé fase di guerra, e Ehército Corrá, a denunciá un pérdida di militarnan di promé rango debí na un "screening" hací pa Stalin na 1936-39 cu finalidad di eliminá cualkier rival capaz di dirigi

URSS. Aunke e situacion tabata uno basta grave na su país, Stalin a mantené fiel na su aliadonan Inglaterra y Merca; den su insistencia pa nan habri un "segundo frente" na oeste y laga na mesun tempo URSS "liberá" centro di Europa.

FRANKLIN D. ROOSEVELT

E Presidente Mericano aki tabata e motor cu a impulsá Merca pa drenta guerra, dilanti di un opinion público hopi neutral, te ora a sosodé un ataque Haponés na un flota mará na Hawaii, na December 1941. El a muri un luna promé cu Alemania a rindi su mes. E Vicepresidente Harry Truman, tabata e persona cu a presidí e victoria. Roosevelt, un persona mashá elocuente a logra un movilizacion di recursonan sin precedente na Merca, cu por cierto pa

e momento aki afnda tabata haci su esfuerzo grandi pa purba sali for di e crisis económico di añanan 30. Aunke Roosevelt tabata sinti un vinculacion cu Inglaterra, debí na su herencia cultural y baloman democrático común; y tabatin un amistad grandi cu Churchill; Roosevelt a decepcioná esaki debí na su gana di cede pa e exigencianan di Stalin den e negociacion di "E Tres Grandi".

WINSTON CHURCHILL

Promé político di Inglaterra cu a lucha pa e resistencia na ultranza di expansionismo Alemán. Churchill tabata e candidato lógico pa bai na cabez di gobierno na London despues di ofensiva aleman na 1940 cu a hiba su dilanti e aliadonan Inglés, for di Francia te Noruega. Dilanti di un gobierno di "Coalicion Nacional", Churchill cu su tabaco y su dedenan hizá manera un V di victoria, a wordo convertí den un símbolo di actitud desafiante di e pueblo británico frente di e poder Nazi. E no por a saboreá pa hopi tempo e triunfo pasobra nan electoman a dicidí pa e Partido Laborista y Churchill a haya e obligacion di kita su mes di e reunion di lideman di pafsnan vencedor na Postdam (cerca di Berlín) na Juli 1945.

CHARLES DEGAULLE

Maske su contribucion militar na guerra tabata uno simple y escaso, De Gaulle, refugió na London "a salba e honor di Francia" dor di su rechazo na e régimen colaboracionista di Mariscal Petain na Vichy. Cu dos speech transmití na radio a mantené bibo e aspiracionnan di e francesnan pa deshacé di e poder Nazi. E aliadonan Anglo-Mericano a reservá e honor di "liberá París" y nan a poné na poder pa asina impedí cu e resistencia comunista por a uni cu e gobierno francés post-Nazi.

BENITO MUSSOLINI

"Il duce" a bira un aliado di dudoso balor pa Alemania, pasobra su aspiracionnan tabata mas grandi cu e capacidad di forzanan di Italia. Na e Balcanes tabatin un aventura bastante malo, hecho aki cu por a resultá e factor cu a impedí e invasion di Alemania na URSS. Mussolini, cu a inventá e fascismo, a muri na man di nan compatriotanan dia 29 di April di 1945 den su intento pa huy na Switserland debí na e avance di tropanan Anglo-Mericano.

FRANCISCO FRANCO

E "Caudillo" di España a facilitá e promé triunfo di aliadonan Anglo-Mericano ora el no a impedí e preparativonan di Gibraltar pa e invasion di Africa di Norte Francés na 1942, a pesar di su deudanan cu su promé patrocinadoman den Guerra Civil Españó Hitler y Mussolini. Su manera neutral y prudente a permitié sigui den poder te ora el a muri na 1975.

DWIGHT D. EISENHOWER

E comandante hefe di forzanan aliado di Europa a dirigí e operacionnan clave di aliadonan: E invasion di Africa di Norte Francés na 1942, esun di Italia na 1943, y esun di Normandía "Dfa-D" na 1944. E victoria a convertí Eisenhower den un héroe na Merca y e partidonan político a pidié pa bira nan candidato presidencial den eleccionnan di 1952 cu a wordo ganá como Republicano.

ERWIN ROMMEL

E mihor di e generalnan di Hitler a wak su campaña frustrá hopi biaha for di 1942 debí na falta di recurso. Su "Afrika Korps" a desaparecé ora tur su integranenan a wordo matá na un ofensiva conhunto di ehército Inglés di General Montgomery, for di Egipto y e forzanan Anglo-Mericano cu a invadí Argelia. A ser heridá gravemente den e defensa di Normandía na 1944 y poco dfa despues a mata su mes debí na e intento fracasá contra Hitler cu algun mando militar a organizá na Berlín.

GUEORGUI ZHUKOV

E hefe di Estado Mayor Soviético aki, a dirigí personalmente e toma di Berlín. Veterano di Ehército Imperial Ruso, Zhukov a move pa e Ehército Corrá na 1918 y a participá na e Guerra Civil ruso. A dirigí e ehército na Guerra contra Finlandia (1939-40), despues a encargá di defensa di Leningrado (San Petesburgo) y di Moscú tambe. Despues di e derrota di Stalin na 1953, Zhukov a desempeñá un papel clave na e luchanan den e seno di Partido Comunista pa favor di Nikita Jruschov, kende a nombré Minister di Defensa.

BERNARD MONTGOMERY

E hefe di forzanan británico cu mester a sali di e continente Europeo den e retirada "milagroso" di Dunquerque na Mei 1940, despues a logra su venganza mas grandi. El a bira e héroe di Bataya El Alamein (Egipto), na e bataya aki e "Afrika Korps" di Rommel cu tabata avanzá pa El Cairo, a registrá su promé derrota. Antes di e bataya, Montgomery a bisa su soldánan: "Aki nos ta keda bibo si ta posibel, si no morto". Despues el a tuma Palermo y Nápoles na 1943. A dirigí e forzanan na tera den e Invasion di Normandía na 1944 y a bolbe triunfante e biaha aki na Dunquerque.

GEORGE PATTON

E general Mericano aki, homber di carisma y hopi polémico, especialista den uso di autonon di combate y cu tabata haci prácticana hopi riesgoso, a destacá den e Bataya di Norte di Africa y na Sicilia. E Alemannan a keda asombrá ora nan a ripará e avance asina liné di su tropanan na norte di Francia despues di Invasion na Normandía. George Patton a wordo kitá for di e mandato di e III ehército Mericano despues di e victoria, debí na su anti-comunismo virulento.

El a muri poco tempo despues den un accidente di tráfico na Alemania. □